

Præterea Alveum habet manufactum magnorum etiam navigiorum patientem, per quem præter prædicta flumina quantam omnium rerum ab omni Orbis parte accipiat copiam, incredibile dictum est. Ex his enim in Mare patet via per alveum sive Aquæductum, qui se ad Ostium vulgo *r'Sas*, in Oceanum exonerat catarractis ad hanc rem stupendo artificio exstructis. Decem milliariibus distat Antverpia, totidem Bruxella, Mechlinia, Middelburgo. Ambitus intra muros est 45640 pedum Romanorum: hoc est Italicorum milliariū septem. Insulas habet xxvi. Pontes majores, xcii. Molas aquarias iv. Trufatiles infinitas: centum quæ vento aguntur. Ecclesias in universum lv. Abbatis v. Cives hujus civitatis frequentia, nobilitate, opibus, animis sunt eximii. Hæc Carolus v Imperatorem Orbi dedit. Hæc litteris *Juocum Badium, Joannem Cornarium, Levinum Brechtum*, & alterum *Levinum Torrentium, Balduinum Ronsaum, Utenbovium*, aliosque protulit. Opificiorum genera in hac urbe lxi. Textorum præterea ordines xxvii instituti primum a Comite Balduino, filio Arnoldi Magni, Anno 1000. lxxv. *Brugæ (Brugge)* vel a pontium frequentia nomen habent, vel a ponte *Brugstock* juxta Oldenburgum & Ardenburgum, e quarum urbium ruinis ante annos 1000. prima arx Brugenſis exstructa est; sita est tertio milliari a Mari loco plano. Ambitus intra muros est 26600 pedum Romanorum, hoc est Italicorum mill. quatuor cum dimidio. Urbs est non Flandriæ tantum, sed etiam totius Belgicæ amœnissima: templa habet lx, quorum præcipuum & augustissimum est S. Donatiani, olim sacrum B. Virgini, exstructum a Liderico primo Flandriæ Comite, anno 1000. xxi. Opibus in tantum floruit, ut Ioanna uxor Philippi Pulcri quum huc venisset Anno 1500. vidissetque virginum & matronarum ornatum, stupore primum, postea muliebris æmulationis cæstro percita, conquesta sit, non se solam reginam esse. Opificiorum genera exerceantur lxxix. Et in hac rerum copia neque flumen habet, neque Portum neque fontem. Fossa est humana ducta industria, ipsi *Reye* vocant, quæ per totam urbem divisa, ad Slusam sese exonerat in Oceanum. Et quia hæc majoribus navigiis nondum sufficiebat, aliam in longe majorem altitudinem perduxerunt, oppositisque Catarractis a Mari discluserunt. Sunt & hujus urbis Cives bello, imperio, literis celebrati. Tanta etiam olim hujus urbis in mercaturis potentia fuit, ut cum quavis alia totius Europæ urbe conferri posset. Brugenſes primi Cassiterides (Hispanis *Açores*) Insulas in Oceano invenerunt, quæ propterea *Flandrica* vulgo dicuntur: iidem Bursam primi Mercurio sacram habuerunt, a qua postea Antverpiæ, Rhotomagi, Londini, & in aliis urbibus mutatis rerum vicibus loca mercatorum conventui destinata nomen traxerunt. *Ypra* a rivulo *Ypra* præterlabente dicta, vulgo *Yperen*, anno cmlx condita est. Hujus urbis fundus dicitur esse plumbeus, idque propter magnam plumbeorum tuborum vim, quibus aqua varie per Civitatem universam distribuitur. Atque hæc quidem sunt Urbes primariæ. Portus sequuntur: *Slusa* a Catarracta nomen habet, quæ Flandris vocatur *Sluys*, urbs est maritima: Portum habet capacissimum, quo quingentæ naves commodissime recipi possunt. Ex adverso est Insula *Cadſant*, Georgii Cassandri patria. *Oostenda* ad Oceanum sita, obsidione Archiducis Alberti gravissima, quam ad annos tres & aliquot menses fortissime sustinuit, ac innumeris pane utrinque cæsis, nobilis. *Neoportus* (*Nieuport*)